

广东通志

广东通志

廣東通志卷一百八十六

甲子重刊

前事畧六

元

世祖至元十三年

宋益王昰景炎元年

六月阿爾哈雅遣將

克廣州

代通鑑輯覽御批歷

宋廣東經畧使徐直諒遣其將梁雄飛請降于

隆興阿爾哈雅假雄飛招討使使徇廣東既而

直諒聞益王昰立乃復遣權通判李性道摧鋒

軍將黃俊等拒雄飛于石門性道不戰俊戰敗

奔廣州直諒棄城遁雄飛入廣州諸降將皆授

以官俊獨不受被害

同上

徐直諒得驛報知元兵陷臨安江南湖南皆歸
附乃遣梁雄飛赴江西納款時湖南行省亦遣
廣人曾仕倬與將校楊尹來諭直諒謂已通耗
江西諭意水軍統領唐淵往迎于韶沉仕倬尹
于江六月元將阿里海牙及呂師夔遣黃世傑
與梁雄飛來徇廣州旣而直諒聞帝立于閩遂
遣權提刑郡李性道領摧鋒軍將黃俊陳實水
軍將謝賢拒世雄等于石門性道艤舟岸許不
戰俊迎敵敗績奔還直諒遂遁黃世傑等陷廣
州授性道實賢淵官俊拒不授諸將殺之于摧
鋒軍寨佛殿下

崖山志

阿里哈雅畏吾兒人至元十三年攻潭州守臣李芾力屈自殺城降諸將欲屠之曰是州生齒百萬若悉殺之非上諭曹彬不殺意也其屈法生之復發倉以食饑者遣使徇韶南雄諸郡守臣皆率民來迎曰聞丞相體好生之德所過秋毫無犯復見太平奉表來降會宋主以國降因

入賀

元史阿里哈雅傳

謹案

欽定通鑑輯覽曰是年三月元兵入臨安宋統已絕三月以前爲宋帝熈德祐元年三月以後爲至元十三年仍以宋二王紀年附注其下今

敬遵此例

九月命阿樓罕達春等分道將兵入閩廣阿樓罕董文炳及蒙古固岱索多以舟師出明州達春及呂師夔李恆等以騎兵出江西呂師夔等將兵入

梅嶺

通鑑輯覽

東莞人熊飛爲黃世傑守潮惠聞趙潛至以兵應之攻雄飛於廣州雄飛遁遂復韶州新會合曾逢龍帥鄉兵至廣州李性道出迎飛與逢龍執而殺之趙潛入廣州

宋史二王紀

飛等復廣州後十日制置使趙潛及轉運副使趙淇至數日安撫使方興至索陳實謝賢斬之

并戮性道唐淵遁去

崖山志

呂師夔張榮實入梅嶺趙潛遣曾逢龍熊飛禦于南雄逢龍戰死熊飛奔韶州守將劉自立以城降飛率兵巷戰兵敗赴水死

二王紀

十一月昷入海初昷入泉州蒲壽庚提舉泉州舶司擅蕃舶利三十年來謁請駐蹕張世傑不可或勸世傑留壽庚凡海舶不令自隨不從縱之歸而舟不足乃掠其舟并沒其貲貨壽庚怒殺諸宗室及仕大夫與淮兵之在泉者昷移潮州

同上

廣南東路經畧使劉應龍自福州導帝至廣州港口轉使姚良臣作行宮迎入州治元兵拒之

退還大海駐秀山山上有民萬餘家擇富室爲
殿居之師多病死惟陳宜中得入廣州尋遁還

崖山志

是月英德守臣凌彌堅徐夢得降十二月趙潛棄
廣州制置方興亦遁是次甲子門二王紀

方興聞師夔將至委郡人趙若岡禦之興遁去
若岡與忠勇軍陳勇開門降是夜勇齎榜招諭
爲營兵所殺師夔以若岡知南恩州會方興在
南恩不敢入崖山志

是次甲子門遣倪宙奉表詣軍前請降索多命其

子元帥伯嘉努偕宙赴燕

通鑑輯覽

謹案元史世祖紀倪宙作倪堅誤以為廣

王昺所遣

十四年

景炎二年

正月行都元帥府軍次廣州知循州

劉興以城降知梅州錢榮之以城降

元史世祖紀

帝至廣州龍圖閣待制張鎮孫家居與凌震集鄉

兵圖復廣州詔以鎮孫為廣東制置兼經畧安撫

使元呂師夔梁雄飛以軍餉不繼退走姚良臣迎

帝入州治元兵守港者拒之不果入元易正文陷

梅州權僉判蔡蒙古死之

崖山志

知潮州馬發通判

戚繼祖降

二王紀

知惠州文壁降于元

黃志

二月知南恩州陳堯道僉判林虎以城降

世祖紀帝

舟次于梅蔚

黃志

三月文天祥取梅州

二王紀

彗出東北長四尺餘

崖山

志

四月帝舟次于官富場

同上

文天祥引兵自梅州出

江西

通鑑輯覽

五月張世傑取潮州

二王紀

六月帝舟次于古塔

崖山志

廣東肇慶府新封等州

皆來降

世祖紀

八月江西宣慰使李恆自將攻文天祥于興國天

祥不意恆猝至遣兵戰不利天祥引兵就之曾鄒

瀾兵先潰天祥走循州至空坑兵盡潰與杜沂鄒

瀟逸去天祥妻子及幕僚客將皆被執

通鑑輯覽

九月宋益王昞遷于潮州之淺灣詔達春與呂師

夔等以舟師下海合追二王張世傑攻泉州蒲壽

庚求救於索多世傑解圍還淺灣

同上

廣東南路廣

連韶德慶惠潮南雄英德等郡皆內附

世祖紀

十月索多攻潮州馬發拒之去攻惠州

二王紀

達春

等進至潮陽宋都統陳懿等兄弟五人以畚兵七

千人降

元史哈刺解傳

十一月達春會兵克廣州初達春令索多取道泉

州泛海會于廣之官富場索多既取興化及漳州

進攻潮州守臣馬發竭力拒守索多恐失期舍之

去至惠州與呂師夔合軍趨廣州張鎮孫以城降
達春遂夷廣州城劉深將兵襲淺灣張世傑奉益
王昷走秀山遂至井澳颶風壞舟溺水幾不救昷
得驚疾旬餘諸兵士稍集死者過半劉深襲井澳
昷奔謝女峽復入海至七星洋欲往占城陳宜中
請先往諭意遂不返

通鑑
輯覽

鎮孫旣降丞相陳宜中少傅張世傑蘇劉義等
奉帝幸香山以馬南寶宅爲行宮復駐淺灣

蘇天

餘元
文類

哈喇兀及宜撫梁雄飛招討王天祿等敗世傑于
香山島奪其戰艦符印俘獲官吏盧茂等丞相陳

宜中衆尙數千人舟八百艘走至虎頭山中流大

風壞舟衆多溺死宜中僅以身免

同上

劉深追帝舟至七星洋執衛王提舉官俞如珪

崖山志

志

十五年

景炎三年五月以後
衛王昺祥興元年

帝在謝女峽張世傑

遣帥討雷州

崖山志

二月破潮州馬發死之

二王紀

索多塞塹填濠造雲梯鵝車日夜急攻發潛遣

人焚之二十餘日不能下索多令于衆曰有能

先登者拜爵已仕者增秩總營兀良哈爾先登

諸將繼之宋兵潰潮州平

元史索多傳

馬發備禦甚固烏古孫澤曰潮人所以城守不下者以外多壁壘爲之援應也第翦其外應潮必覆矣乃分兵攻其一大壘破之餘壘盡走二

旬而潮拔馬發死焉

元史烏古孫澤傳

三月宋文天祥以弟壁及母在惠州乃趨之收兵

出海豐縣次于麗江浦

通鑑輯覽

文天祥取惠州廣州都統凌震轉運判官王道夫取廣州是欲往占城不果遂駐碭州遣兵取雷州曾淵子自雷州來以爲叅知政事廣西宣

諭使

二王紀

劉宗純據德慶府梧州萬戶朱國寶攻之焚其寨

遂拔德慶

同上

南恩新州何華張翼舉兵興復軍勢甚盛國寶
選精銳擊殺華翼斬首萬餘級俘五百人船七
百艘奪其兵器無算降其將十餘軍士二百民

三萬餘戶

元史朱國寶傳

漢軍都元帥李庭自願將兵擊張世傑從之廣南
西道宣慰司遣管軍總管崔永千戶劉潭王德用
招降雷化高三州卽以永等鎮守之

世祖紀

益王昱

遷于碭州

通鑑輯覽

香山義士馬南寶獻粟千石餉軍

崖山

志

四月昱殂于碭州立衛王昺爲主以陸秀夫爲左

丞相是月黃龍見海中

二王紀

廣州張鎮孫叛犯廣

州守將張雄飛棄城走出兵臨之鎮孫乞降命遣

鎮孫及其妻赴京師

世祖紀

五月朔帝卽位于碭州太后楊氏同聽政改元祥

興升碭州爲翔龍縣隸化州尋升廣州爲翔龍府

端宗崩羣臣多散去陸秀夫曰度宗皇帝一子尙

在將焉置之古人有以一成一旅中興者今百官

有司皆具士卒數十萬天若未絕宋是不可爲國

耶衆共立帝時年八歲告祭天地宗廟遣張世傑

趙潛曾淵子陸秀夫蘇劉義劉鼎孫等行禮諡景

炎帝孝恭仁裕懿聖濬文英武勤政皇帝廟號端

宗崖山志

謹案宋史端宗諡裕文昭武愍孝皇帝與崖山志不同然黃淳所記必出于宋遺民野航雜錄諸書較宋史爲可信也祥興改元據舊志引番禺客話在明年正月二說不同未知孰是

西道宣慰司遣管軍總管崔永千戶劉潭王德用招降雷化高三州卽以永等鎮守之行中書言張世傑據碭州攻旁郡未易平議遣宣慰使史格進討詔以也速海牙總制之

世祖紀

五月世傑遣張應科王用將兵取雷州應科三戰